

公

餘

集

公餘集卷十

竹軒劉秉恬著

丁未元旦早朝恭紀

乾隆丁未歲正月建寅春彪炳文明著

丁未為

之象調和任養神

壬寅月

桃符非帖舊梅蕊喜含

新午夜鐘聲曉千門淑氣勻梯航來萬國鴛

鷺集羣臣閭闔開

金殿衣冠拜

紫宸身榮承

渥澤心感荷

皇仁福祿無疆壽綿綿祝

聖人

春初署中齋宿

午清粉壁近官墻

午清中樞署內軒名

雪後陰陰入夜

涼齋宿只因嚴祀典安眠不必問封章梅花
幾點催春暖爆竹連聲引漏長持被連宵身

自適何須刺刺語相將

又疊前韻

新魄初成印畫牆階前偶步月陰涼翻書靜
坐多幽趣刻燭題詩急就章度歲匆忙人欲
倦首春時節夜猶長來朝
太廟逢蠲吉箱篋朝衣好自將

齋畢

襆被連宵宿署廬今朝歲事退私居暫將朝

服歸箱篋便著褻裘覺散舒斗室消閒勤翰
墨明窓習靜對詩書晚來慣喜眠空榻齋與
未齋一例如

春日中書同人團拜

雪印花枝兩逞妍鳳池團拜會羣仙科名原
自分新舊班輩因而有後先一曲清歌邀落
日幾樽旨酒慶春年却誰寓直逢今夕未得
同來與綺筵

春日李杏浦招飲席間偶成二律

蘭譜交情三十載中間會少別多年今同柱
史長連袂喜掇卮厨兩接筵矍鑠精神還似
舊詼諧談論一如前休云鬚髮非當日傳派
君家本是仙

司空敞宴接諸賓巧匠調和美上脣哈什嗎
非容易致鱻鱮魚亦最稀珍同官欲薦同寅
誼卜晝何須卜夜頻

客於未上
燈前俱散

自古流連垂

訓戒偶逢燕會總宜遵

人曰

今日排來日屬人立春忽已兩周旬

去歲臘月十七

春日立

臘前雪蕊欣霑野節後風光倍爽神勝

裡金花开不老盤中生菜味添新人宜體此
尤加勉莫任蹉跎歲月淪

曹竹虛三兄賜和人日詩有充盤七種
分餐好望眼千山判袂新之句讀之

不禁觸動離懷因疊前韻書以奉贈
冬日来京今日人相逢知己幾經旬纔聯舊
雨敦交誼忽捧來詩愴別神題寄草堂遲日
待愁看江樹對春新多情自古難分袂况復
情深早決淪

題西直門外天仙菴之聚星堂

古寺臨衝道偏齋足憩休杯茶聊解渴暫坐
異閒遊門外憑喧鬧廬中自靜幽德星曾日

聚名姓辟間留

堂中有董東山表叔度諸位先生字幅對聯

春初鮑雅堂相招與蘇慎齋倉場同飲

因賦七律一首奉贈

設宴張燈畫壁東鮑公席上對蘇公叅軍儒

雅今稱俊農部精神老益雄師弟多年情款

款

雅堂為蘇公前守江鎮江時所拔取者

主賓偶會意融融昨逢

人日今逢穀治粟得人考上功

春日同人

祈穀壇接

駕後詣雲坡胡大司寇五兄寓中早餐即席

成什

致齋祈穀先齋宿壇外鵷班候

翠華斗帳怯寒圍細火繡衣列坐藉平沙金
鐘疊聽清音度

御蓋遙瞻曲柄斜退食恰從司寇請嘉肴不
讓五侯家

春日同人宴集大司農曹竹虛三兄寓

中維時竹虛

恩准歸侍太夫人將有南行之役席間觸動

離懷因賦長律一首奉贈

春王正月太平年讌集司農畫閣前即此笙
歌多樂意那知酬酢是離筵漫愁異日須分
袂且喜今朝共接肩我欲祝君無別語
國恩家慶兩綿綿

元夕適值感寒偶成

元宵卧憶月燈明側聽春歸雁叫聲

是日聞雁聲

人病怯寒衣挾纈花開不老火燃城笙歌隔
院音還繞爆竹臨衢響乍驚寶馬星橋今夜
永思深無寐那禁情

上元後一日

上元昨夜剛過節今日恰逢二月春

本日交驚蟄二

節屈指花朝遲半月賞心燈事對佳辰西園

燈火攢如舊東壁圖書煥益新

近年開四庫全書館後書

多籍增

尤喜朝來飄雪蕊遊車到處壓遊塵

夜坐

夜深未就榻繙書任縱橫明月已上屋星斗
落落明獨坐安靜素傲彼樂鼓笙

丙子同年團拜小集

日霽風和歲事妍春初丙子會同年誰云落
落晨星少猶是亭亭碩果堅一部笙歌兼雅

俗幾杯酒醴致纏綿多勞藉藉賢京尹遞次
經營在事前

此次同人團拜諸事
係白華京兆經理

春初奉

命登都城周圍巡視

翩翩裘馬遶城巡正值陽和發首春千載金
湯資鞏固九門車軌永遵循中央殿閣參天
麗四面雲山入眼真更喜環牆舒嫩柳青青
倚堞似迎人

余於庚寅年由少司馬調任倉場壬辰
夏在天津催漕舟次接到

諭旨奉

使而去今於丁未春復由少司馬之倉場任
撫今追昔忽忽十餘年宛如一夢睡
醒不禁感而有作

迴思官舫泛天津

紫詔馳來到水濱從此兩川還六詔流光忽

忽十餘春

中間事故歷頻頻苦樂炎涼不一倫
歸轡潞河仍駐節邯鄲重見夢醒人

春日駐節通州適逢慎齋蘇司農壽辰
因賦長律一首奉贈

憶在西安始識荆匆匆歲月忽頻更而今得
協寅恭誼接席同深款洽情七十精神如少
壯三宵談論見公明潞河會適生申日喜對

春風泛壽觥

宮保大司農竹虛三兄告養南歸詩以

送之

東風吹柳舞絲絲正值同心判袂時早識北

堂增樂事那堪南浦動離思百年萱壽

天恩予

上許太夫人
享壽百歲

一片葵誠

聖主知

上謂竹虛
有良心

此種遭逢非易事母慈更

感有

君慈

官拜司農早著聲新銜 官保倍加榮

上方出賜金貂燦邸第增輝晝錦明為子為
臣原一致即忠即孝豈殊情送君歸去春暉
永勞我心懷與日榮

題詩不足盡離情酒醴同陳肆讌橫生活由
來嫌冷淡歌鐘聽不厭鏗鉤即今壯地敦交
誼遙憶南天祝壽觥紫綬金章歸故里試看

夾道羨新榮

敬齋使相自甘肅來京述職奉

命詣先相國忠勇公塋上拜掃路過通州

感而有作

欣見翩翩策騎行為承

王命掃先塋蓋棺論定

恩無已忠勇公於庚寅年辭世迄今十餘肯

構人賢業有成忠勇公沒時使相年尚未

冠十餘年來克自樹立屢建

功勲蒙

侯真所謂國

恩封嘉勇男晉爵為賢臣家之肖子也

膏澤十分

綿相第光輝百倍到佳城昔年曾寓征南使

忠勇公出師緬甸余曾充記室

同感高深莫可名

聞李杏浦新拜總憲之命詩以賀之

御門聽政為求賢柱下增輝喜氣宣年齒先

蒙

天語及

是日杏浦年七十幾歲

官階旋荷

聖恩遷昔為御史多風力

杏浦昔為監察御史時陳奏事件不

公餘集

卷十

十

避嫌怨
上曾嘉許

今坐都堂克仔有更祝精神長

矍鑠看君福壽日綿綿

蔣戟門少司農招飲秀寫蓬壺即席賦

贈

日霽軒窗四面開
依依景物寫蓬萊
水涵太液玻璃色
樹接瓊霄楨幹材
一主一賓云得矣
無絲無竹更幽哉
尤欣活潑天機動
魚躍鸞飛入眼來

蔣戟門少司農屬題錢坤一墨筆桃花

誰將墨筆寫濃姿惹得詩人悉賦詩

畫內題吟甚多

七十歲翁猶喜畫

坤一畫苑花時年已逾七十矣

三千年樹

正舒枝助嬌不藉胭脂染銷恨端歸淡雅施

畫筆詩吟堪玩賞江雲不見動離思

坤一早已歸老

浙西題詩諸君子如竹虛司農亦俱南歸故云

雲坡大司冠賜和小詩仍用原韻奉贈

正欲然燈親翰墨新詩遞到喜清華吟題乍

得同官樂聚散還如放手沙

余于去冬到京得與舊好時相

把晤明日又須赴潞河督辦糧運故云

畫省人文相炳耀青天

星斗看橫斜鳳毛已見生池上

雲坡之令郎世兄現官中

書舍人

端在于公克起家

題汪時齋蜀行記事草

蠡爾西夷小金川罔知奉法思逞邊

王赫斯怒申天討爰俾桂公制府權自來府

中必有幕時齋汪公材克肩汪公是昔文端

子家傳辭翰有淵源小字蠅頭工而細大書
力能筆如椽近復規模兼繪事畫得生趣動
天顏然此猶是其小技大節不撓待我宣汪
公入幕桂公曰桂公幾為小人冤獨能守正
不徇屈由此丹衷達於

天茲閱蜀行記事草盡係當時之至言古來
投筆從戎事戎事還須藉筆傳時齋二者悉
兼有可為文武之材全況其天良不昧處早

受知於

至尊前

春日定福莊迎

駕隨扈

蹕至煙郊恭紀

治平

御道自修長
曉日疎煙雜
瑞光送駕金
吾同府尹迎

鑾直督與倉場

向例天府巡幸盤山九門提督及順天府尹在定福莊送

駕直隸地方官同倉場等官即在此處接駕

鵝黃隊裏瞻

雲駕柳綠枝垂拂鷺行更喜晚來霑細雨浮
塵壓得不飛揚

劉青垣同年由閣學新擢少司空詩以
賀之

忽聞

寵擢少司空
允我同人感喜同
鼎甲文章知

早貴

青垣殿試
一甲三名

朝班品級看新崇非惟選匠

歸官府佇見掄材植

上宮

本月正
值會試
青垣名應
開列考官

奪我鳳池君莫悔冬

官本是舊家風

青垣先文
定公曾任
少司空入
閣後又管
理工部事
務

和諸同人遊盤山韻

盤山曾遍歷此日未追陪想像高峯妙如從
峻嶺來馬過青草合風逼白雲開興發題詩
句知君坐翠苔

和遊雲罩寺韻

高峯援壁上衆壑辨西東人在青雲裏聲喧
翠谷中舉頭看日近撲面喜風雄佛寺如林
立斯為第一宮

恭迎

聖駕過順義縣偶題

順義京東邑城圍綠麥田

離宮相咫尺

御陌在當前地濶看天遠民安賴

上全

翠華經過日正賦計分捐

三家店接

駕見村中桃花開放繁盛因賦

荒村是處種桃花映日臨風拂水斜此際盛
開應有意道旁接引

紫雲車

有竹軒丁香

丁香一樹植軒前，好倚檀欒遶砌妍。
素色月明同雅淡，弱姿風舞自蹁跹。
巡簷似索梅花笑，俯檻疑看雪蕊蠲。
一種清香浮几榻，鑪中沉麝不湏然。

有竹軒桃花

一樹桃花與竹隣，近依君子倍精神。
三分紅艷三分素，濃淡相兼最可人。

其二

三千年後始開花此說東方未許誇有竹軒
前初試種當年灼灼已如霞

春日舟泛通惠河

通惠源分太液流一渠清引達通州米香撲
鼻知船過水色如油藉閘收柳綠花明看皎
皎天光雲影自悠悠輕舟一棹長來去不是
閒人作散遊

三月十七日大風吹散雨意默禱
何事狂風竟日狂打窗入戶更穿堂所希好
雨如期至催得農夫箇箇忙

春日自張家灣回署道旁佛寺小憩即

錄贈智方和尚

夾道青青柳色鮮新開佛剎枕河邊三間小
屋堪容膝一盞清茶緩著鞭雉堞當頭看咫
尺帆檣回首見聯翩南僧露頂詞無厭宗律

分門說派傳

寺內主持係浙江嘉興人

姜度香司冠典試春闈闈中拜湖北巡

撫之

命爰賦長律二首奉賀即以送別

鑠院頻聞鵲噪聲新承

寵命撫襄荆總裁上應文昌重司冠崇膺節

鉞榮已喜搜羅諸士子還看惠澤遍蒼生知

君夙抱循良志此去誠能答

聖明

予與度香相契最久時與之論及外省吏治觀其志趣係一能察吏而愛民者

今膺

此任必有益于地方民生

余聞之深為

朝廷慶得人焉

余於去

正快朝來得比鄰

那知會合是離因歲冬間

來京與度香隔牆而居君能識我平生志我亦知君素

有真廿載交情如一日半年酬酢判三春從來好友多愁別喜為

朝廷慶得人

四月二十四日係余之生辰也先一日

上因京師望雨麥價昂貴

命詣畿南一帶親身迎催豫省運京官麥是
日途次憶及庚子春在陝撫任內奏
報得雨深透

御製誌慰詩元韻因賦長律一首

行年五十又加三百歲長叨

聖澤覃畿載形神勞徼外今朝車馬在畿南
我

皇念切閭闔苦籲

帝憐垂霖雨甘銜

命循河籌轉運勗哉綿力荷其擔

舟行遇端陽節

夏來佳節數端陽
恰值輕舟逐柳行
蒲綠榴紅時入目
宮衣鸞扇遠相望
宛如競渡飛橈捷
似藉纏絲引纜長
古鏡冰心能禱雨
甘霖即日濯枝忙

時正望雨本日
得大雨一陣

自德州回舟至天津

德水開帆疾歸橈指直沽地寬林樹小潮漲
水痕無波面低飛燕船頭起浴鳧日來風信
順快馬走康衢

舟行近津門口占

高堤疏柳亂鳴蜩一葉輕舟自在搖人望津
門頻指點不愁前路隔迢迢
日射晴波似錦明無風無浪水痕平麥舟官

帝京

有昭然理

帝念

天心兩兩符

上
於

金四
簡月
到二
通十
州日

籌計

麥命
價尚
因書

德州一帶水淺

金簡

通州

一籌一計

來價

四

事而該處運

即於

四
月
二

十
日

陡
長

水

無阻雨處日期

相符

合

1

公餘集

卷十

十九

舟次天津登陸至通州作
發輒先從陸歸來又別舟十朝臨德水一月
返通州邨聚人烟密河干樹木稠太平多景
象厯厯望中收

丁未仲夏過拙修相國年伯寓中坐
談移晷凡有請問指示秩然毫無扞
格之處相國向自云兩耳重聽殊
不然也因賦長律一首

家傳衣鉢繼韋平
齒德官階領九卿
門外絕無趨勢客
閣中最好讀書聲
一身堪擬靈光殿
百歲長依

紫禁城疊疊清談
神不倦欣知耳目
倍聰明
丁未季夏蔣戟門
司農邀集同人秀
寫

蓬壺觀荷

平臺小集御微風
樽酒相傳樂意同
曲檻臨湖行處好
長隄隔水望無窮
香分大液千重

碧色映蓬壺萬朵紅焉得片雲頭上黑催詩

好雨潤寰中

時正望雨

夜坐

竹軒月印鏤成絲一室清光我獨私坐久夜

深人意懶忽思捉筆漫題詩

昨宵得雨喜今晴已見秋禾四野盈惟望臺

灣來捷報夜馳露布慰

皇情

近日

海外

臺灣賊匪不王師正在征勦

東路廳署旁蓮池

數畝方塘滿藕花居人手植路人誇紅衣出
水無窮艷碧蓋臨風作意斜時有幽香畱客
騎應吹清氣到官衙偶過已得芳菲妙豈必
傾壺就淺沙

食蟹

左持蟹螯右持酒酒與蟹並味愈厚二者兼
得非易致茲駐潞河喜俱有秋熟蟹重知肉

肥買來且付饕人手饕人烹之我取食置諸
盤中費力剖非無童僕可驅使不如自剖美
在口堂前桂蕊已含香籬邊黃花初分畝良
辰美景未易遇賞心樂事更難耦何幸偷閒
得持螯笑對美酒浮在斗

食蝦

蝦可充食無人知舜時始獻登庖厨不及蟹
行有多足水中泳游豈似魚惟見跳躍在泥

沙更誇披拂多長鬚不料忽入鮫人手鮫人
手付饗人除世上食品類千百鮮味水族大
半居食蟹戈甲費剖剔食魚骨多未易疏惟
有珠蝦最適口以之伴飯美且腴食之還湏
勤所事尤戒肉食成鄙夫

咏盆中雙松

盆裏亭亭兩樹松影移窗上鬪虬龍休云咫尺無遙致恍似身遊碧玉峰

丁未八月朔日偶題

去歲新承司馬榮

去歲于八月初一日奉命

今

朝治粟潞河城糧行

豈比銅行易以滇省諸政

要陸運難同水運輕

滇省銅運係用人馬自便

也南北東西惟

上使殷勤忠懇是臣情流光一載匆匆度園

裡花枝桂又生

萬壽日午門齊集

往歲拜颺萬里遐今朝喜得在京華

午門瑞色融初日

雙闕祥光燦早霞

威德廣周天地外

運籌素裕

帝王家海邊醜類無知識即日殲除定不差

時大兵正討
臺灣賊匪

中秋

帆檣擁集潞河城萬里無雲對月明魄到秋
分逾皎潔光臨水面倍澄清笙歌一曲當階
奏旨酒頻斟著盞盈轉瞬重陽籬菊發空船
南下告功成

方葆巖襟丈奉

命隨福敬齋節相督師臺灣爰賦長律二首
箕裘紹美雅推崇橐筆龍韜佐上公憶昨
西陲曾獻捷

葆巖曾出
師甘肅

即今南徼又從戎

書生密勿籌良策 使相從容樹偉功
計日 饒歌宣露布 佇看醜類一時空

王師赫濯擁帆檣 從事行隨意氣揚
佇見風煙澄海島 一憑戈戟埽欃槍
叨陪幕府威儀盛 飛渡樓船捷伐張
持贈弓刀舒壯畧 勗哉

此去顯

前光

余以良弓寶刀贈
葆嚴以壯行色

秋日舟中即事

扁舟傍岸行日影射窗明自得吟哦趣還聽
款乃聲秋深林減綠沙落水長清短榻船頭
坐閒觀最適情

舟中菊花

誰把籬邊菊船頭次第安能當霜氣冷豈懼
水風寒翠翦重重碧金開朶朶團挂帆經半
月花蕊未開殘

撝船

帆檣擁不開發令此頻催快放前船去緩搖
後舫來勉為從欲治豈有解絲才中道無排
阻綽乎信裕哉

過筐兒港恭紀

北運恒多淺防淺已有器

如刮板之類

虛盈理之

常漲漫豈無脩爰設筐兒港宣洩實得利

聖祖啟鴻圖我

皇復善繼即今河之旁

御碑日月麗舟行時往來申纜每一繫

淺夫歌

北運河殊南運河每虞中流積沙多因之各

汎設淺夫夫數還依板數科

每刮板一副設淺夫二十名

遇淺集夫同努力二十人將一板拖需體塗

足所勿辭尤湏赤身擊濁波夏日炎炎則可

矣秋冬天寒奈若何我已重裘尚凜寒何忍

視彼水中摩勞心勞力雖有分一任所為似

我苛詢識皮衽可稍蔽及以皮做袴其長自足
急為修製莫蹉跎此究區區小為補所希糧
艘及早過詩成不欲摘采藻付與淺夫好唱
歌

余前在西蜀曾有風土全吳越聲音雜
楚秦之句因吏人催促案牘未得成
篇今舟中偶閱杜詩嚴公廳宴同詠
蜀道畫圖之章忽有感觸因成此什

兩川疆域廣西蜀驛郵頻風土全吳越聲音
雜楚秦北來多峻嶺東下有長津杜句舟中
閱來余舊日神

暮秋張灣道中

漠漠郵亭古蕭蕭道里長朔風吹地白寒日
照林黃舟下愁沙淺馬來見土楊節雖冬未
屆景已異重陽

同人叙銷寒會

朔風凜冽響窗櫺人欲銷寒會不停菜味非
多精且細酒盃送暖醉還醒開筵宜獨連交
誼集坐公然聚德星宵漏初聞宜各散莫忘
聽鼓詣

彤庭

早呈封事口占

睡去匆匆夢未成披衣早起聽雞鳴雪消紫
陌寒猶甚漏盡銅壺夜欲明黃匣敬擎應奏

事綠牌先遞待書名凡入朝奏事大臣例將姓名寫在綠頭牌交
奏事官書于一總牌內于膳牌
皇上進膳時呈覽名曰膳牌
少馬傳喚趨
丹陛整頓精神對
聖明

長至前四日榕園陳學士齋中銷寒第

二集

今日銷寒會再聯食單次第約如前座中序
齒推雙李謂杏浦總憲席上延賓少一仙是日

青垣少司
空未到

瑞雪飛英猶在地紅鑪吐燄正當

迢來朝却值虔齋日莫任清樽樂意牽

十一月十五日作

昨日纔冬至生生不已陽月明照地白風急
吹衣涼向暝宜圍火却寒在飲湯
天心還吐露福祿與時昌

冬日查倉

太倉次第似魚鱗策馬翩翩逐日巡豈不畏

寒思暖逸只愁任廢就因循風塵隊裡觀形
勢土木工中辨舊新栽者培之傾不覆草章
斟酌奏
楓宸

偶題

歲寒三友伴迎春松竹梅迎春虛室安排淨掃
塵領略此中饒樂趣却慚日日上朝人
阮吾三少司冠席上以鯊魚皮為饌用

陳學士所限刀字韻成什

水族鯊魚大似鼈其皮可用飾銀刀誰知鼎
鼈烹調後頓覺盤殮食味高已宴寒宵添暖
意況來異品伴佳醪步兵自奉寧誇富特出
珍竒款我曹

聞臺灣捷報

海外何難即蕩平吾

皇威武本仁明捷書先到

悅心殿

是日

適捷報

上御悅

露布應過嘉義城

計期應自

共看班聯增喜色早知閩越動權

聲干戈一洗波濤靜祝萬斯年不用兵

潔治杯酌邀諸君子小集寓齋消寒因

賦長律八韻

隔宵檢點食單明傍午安排座次清簪掃嘉
賓容榻處門聽長者駐車聲嚴寒聊叙煖寒
會舊雨還同今雨情菜味不教過六品酒杯

約定罷初更仙家席上偕劉阮謂劉青丘壽

域筵前有李彭謂李杏浦欲法耆英多洛下

胡雲坡蔣霽園吳香更推華胄是桐城謂張

亭陳伯恭俱河南人交情自慳金蘭契友善寧誇爵祿榮我輩欣

逢

仁壽主勗我共勵答昇平

詠冬日鸞枝花

非杏非桃曰鸞枝春花却放未春時人工不

勝天工巧那得舒輝似鳳儀

冬日閑

御花局唐花恭賦

分明臘日凜寒天饒有名花鬥色鮮生意氤
氲深洞裡和光透露早春前初來樹下心疑
畫忽到籬邊火欲然藏用顯仁含至理此中
神妙費人詮

臘月十五日

御殿朝班恭賦

嚴臘月平分朝齊鴛鴦羣五樓迎旭日
三殿擁祥雲仗馬非吾顧鳴鞭勵我勤
賜茶身挾纊拜坐禮成文立見陽和起還看
草木欣湏知今

聖主實是

古稀君

廟算從心矩

公餘集

卷十

三十一

宸衷即事殷尅期傳露布春送凱歌聞

出征臺灣

將士來春
可以凱旋

冬日同人小集酬陳學士見贈元韻

寒宵鐘漏永佳客喜招尋饌出紅爐暖蟻浮
綠盞深燈花知夜意梅蕊見天心偶爾通情
款何須擬竹林

連日西風急荒齋會煖爐銜杯疑挾纊得句
等懷瑜不負三冬約公然四岳俱欲尋朋友

樂端的是京都

立春

開歲支干屬戊申立春當臘日逢辛相看雲
物千般麗會見風光一派新安豫豐亨周品
類明良喜起洽君臣連朝聽漏趨
丹陛默頌南山祝

聖人

立春後一日得雪

昨日逢春今日雪雪隨春至迺年華樓臺潤
色風光好土脈含膏歲事嘉拈筆錯疑吟柳
絮賦詩休遣妒梅花臺酋縛獻當前事雪夜
淮西莫獨誇